

FitchRatings-მა თიბისი ბანკს რეიტინგი აუმაღლა

პრესრელიზი

თბილისი, 6 აგვისტო, 2009 - საერთაშორისო სარეიტინგო სააგენტომ FitchRatings თიბისი ბანკის რეიტინგი გააუმჯობესა და „B+“ კატეგორია მიანიჭა. სარეიტინგო სააგენტოს მიერ ამ ეტაპზე შეფასდა 6 წამყვანი ქართული ბანკი და მათგან თიბისი ბანკი ერთადერთია, რომელსაც Fitch-მა რეიტინგი აუმაღლა.

თიბისი ბანკისთვის რეიტინგის აწევა უპრეცედენტო და განსაკუთრებით პოზიტიური მოვლენაა იმ ფონზე, რომ 2008–2009 წლებში საქართველოში განვითარებულმა რთულმა ეკონომიკურმა და პოლიტიკურმა პროცესებმა, უარყოფითი გავლენა იქონია ქვეყნის ეკონომიკაზე, მათ შორის, საბანკო სექტორზეც.

FitchRatings-ის ექსპერტთა განცხადებით, თიბისი ბანკისთვის რეიტინგის ამაღლება, ბანკის სტაბილურობასა და დინამიურ განვითარებასთან ერთად, განაპირობა მიმდინარე წლის პირველ ნახევარში თიბისი ბანკში განხორციელებულმა მასშტაბურმა ინვესტიციამ და აქციონერთა სტრუქტურაში მომხდარმა ცვლილებებმა.

განხორციელებული ტრანზაქციის შედეგად, თიბისი ბანკის აქციონერთა რიცხვს შეემატა უმსხვილესი საფინანსო ინსტიტუტები: ევროპის განვითარებისა და რეკონსტრუქციის ბანკი EBRD, ნიდერლანდების განვითარების ფინანსური კომპანია FMO, აშშ-ს მსხვილი ბანკი JP Morgan და ინვესტიციების მართვის ბრიტანული კომპანია Ashmore. აქციონერთა შორის კვლავ რჩებიან საერთაშორისო საფინანსო კორპორაცია IFC და გერმანიის ინვესტიციებისა და განვითარების კომპანია DEG.

აღნიშნული საერთაშორისო ფინანსური მხარდაჭერის ფარგლებში, თიბისი ბანკის კაპიტალი 40 მილიონი აშშ დოლარით გაიზარდა. გარდა ამისა, ბანკმა მიიღო 44 მილიონი აშშ დოლარის ოდენობის სუბორდინირებული და 54 მილიონი აშშ დოლარის პრიორიტეტული სესხი.

ამ ტრანზაქციებმა ბანკს საშუალება მისცა, მნიშვნელოვნად გაემყარებინა კაპიტალი, გაეზარდა ლიკვიდურობის მანველებელი და შეემცირებინა რეფინანსირების რისკები. აღნიშნული ფინანსური მანველებლების გაუმჯობესება კი აისახა საერთაშორისო სარეიტინგო სააგენტოს შეფასებაზეც – თიბისი ბანკის მანამდე არსებული „B“ რეიტინგი Fitch-მა ერთი საფეხურით გააუმჯობესა და ბანკს „B+“ კატეგორია მიანიჭა.

- ◆ ფიზიკური პირების მომსახურება;
- ◆ კორპორატიული კლიენტების მომსახურება;
- ◆ საინვესტიციო საბანკო მომსახურება;
- ◆ პირველი ქართული ბანკი, რომელსაც ISO ხარისხის სერტიფიკატი მიენიჭა;
- ◆ ლიდერი ტექნოლოგიური სერვისებში;
- ◆ უბრუნდ პროდუქტების ინოვაციური საბანკო სფეროში;
- ◆ ახალი ტიპის ულტრა-თანამედროვე საბანკო ფილიალების “მომსახურება ბარიერების გარეშე” ინოვაციური საქართველოში;
- ◆ ფლობს წამყვან პოზიციებს სხვადასხვა საფინანსო სფეროებში: ლიზინგის, საბროკერო და სადაზღვევო ბაზრებზე;
- ◆ პირველი ქართული კომპანია, რომელსაც საერთაშორისო რეიტინგი მიენიჭა;
- ◆ FitchRatings: B + and B
- ◆ Moody's: B 3 and Ba 1

სს „თიბისი ბანკი“ დაფუძნდა 1992 წ. და გამოირჩევა განვითარების წარმატებული ისტორიით. სტაბილურად ინარჩუნებს საბანკო სექტორში წამყვანი საფინანსო ინსტიტუტის პოზიციას. 2007 წელს თიბისი ბანკი საქართველოს ფარგლებს გასცდა და რეგიონალური განვითარება დაიწყო. ბანკის აქციონერები: IFC, DEG, EBRD, FMO, აშშ-ს მსხვილი ბანკი, ინვესტიციების მართვის ბრიტანული კომპანია და ქართველი კერძო პირები.

თიბისი ბანკის ივლისის თვის ფინანსური შედეგები

2009 წლის ივლისში თიბისი ბანკის ძირითადი ფინანსური მაჩვენებლები დინამიურად გაიზარდა. კერძოდ:

- **აქტივები** – ბოლო ერთ თვეში თიბისი ბანკის აქტივები 17 მილიონი ლარით გაიზარდა და 1 მილიარდ 682 მილიონ ლარს მიაღწია.
- **კაპიტალი** – 31 ივლისის მდგომარეობით, თიბისი ბანკის კაპიტალი შეადგენს 309.4 მილიონ ლარს. თუ შევადარებთ გასული წლის დეკემბრის მონაცემს, 2009 წლის 7 თვეში ბანკის კაპიტალი 64 მილიონი ლარით არის გაზრდილი.
- **ანაბრები** – ივლისში ფიზიკური პირების ანაბრების პორტფელის მოცულობა უპრეცედენტოდ – 39 მილიონი ლარით გაიზარდა და 516 მილიონ ლარს მიაღწია. აგვისტოს ომის შემდეგ ეს არის პირველი შემთხვევა, როდესაც ბანკის საცალო ანაბრების მოცულობა ნახევარ მილიარდს აღემატება, რაც იმას ნიშნავს, რომ მსოფლიო ფინანსური კრიზისის მიუხედავად, თიბისი ბანკი სტაბილურად ინარჩუნებს ლიდერის პოზიციას და 10 წამყვან ბანკს შორის, დღეისთვის ბაზრის ყველაზე დიდი წილს, 30%-ს ფლობს. რაც შეეხება ჯამურ ანაბრების პორტფელს (კორპორატიული ანაბრები + კერძო პირების ანაბრები), ივლისში ეს მაჩვენებელი 42 მილიონი ლარით გაიზარდა.
- **სესხები** – დღეისათვის თიბისი ბანკის ჯამური საკრედიტო პორტფელი შეადგენს 1 მილიარდ 208 მილიონ ლარს. აქედან 424 მილიონი ლარი წარმოადგენს კერძო პირებზე გაცემული სესხების მოცულობას, ხოლო 784 მილიონი ლარი არის ბიზნეს-კომპანიებისთვის გამოყოფილი დაფინანსება.

სს „თიბისი ბანკი“ დაფუძნდა 1992 წ. და გამოირჩევა განვითარების წარმატებული ისტორიით. სტაბილურად ინარჩუნებს საბანკო სექტორში წამყვანი საფინანსო ინსტიტუტის პოზიციას. 2007 წელს თიბისი ბანკი საქართველოს ფარგლებს გასცდა და რეგიონალური განვითარება დაიწყო. ბანკის აქციონერები: IFC, DEG, EBRD, FMO, აშშ-ს მსხვილი ბანკი, ინვესტიციების მართვის ბრიტანული კომპანია და ქართველი კერძო პირები.